

Коми Республикаса том войтырлөн газет



и баты, и мам,
и ме...

12-13 л.б.

Тайо НОМЕРЫН

Чужан кывлысь лун кыпыда пасйисны февраль 21 лунö «МИ» том войтырдон котырын водзмöстчысьяс. Гаж водз вылын найö юортисны «Ме сёрнита комион» флешмоб йылысь «ВКонтакте» соцсетын.

4
л.б.

Февраль 14 лунö Куломдин районса йозос уджон могмодан шöрин нуöдис «Ярмарка учебных мест-2014», медым отсавны ныв-зонлы школа помалом бöрын бöрийны вылыс тшупода велöдчанн да водзö кежлö удж.

7
л.б.

Айму дорйысьяслön лун кежлö юркарын котыртсьывлис «Бать да ми - спортивнойсь да вынаось» карса конкурс. Йитисны сийос и тавося Олимпиадакö, кодi мунис Сочиын. Пырöдчыны конкурсö юркарса быд öти детсадысь вермис сöмын öти семья. Тайö бать, мам да налön квайт либö сизим арöса пи. Татшöм командасысь окмис быдса 23.

12-13
л.б.

Нывьяс ёна радейтöны фотографируйтчыны, петкöдлыны мичлунсö. Фотомодельяс тöдöны некымын индö, кызди бурджыка петкöдчыны кадрын. Та серти эм некымын вöзийом, мый колö да оз позь вöчны снимайтчитöн.

15
л.б.



Пасъям гажаа йöввыв

Йöввыв гаж Сыктывкарын таво пасъясны март 2 лунö. Йозкостса гаж лö Степан изэрд вылын 11 чассянь. Сцена вылын петкöдчасны «Греннис» йоктан котыр, «Шудлун», «Зорюшка», «Тулыс», «Поющие сердца» хорьяс, «Сполохи» котыр, йозкостса сьланкыв радейтысьяс да коми культура шöринын уджалысьяс.

Видзöдысьяслы дасьтöма конкурсъяс. Верстöдджыкъяс вермасны петкöдлыны выннысö спорт да коми йозкостса ордысьёмъясын, а ичöтъяс качайтчыны карусель да качай вылын. Сидзжö лö поэянлун ньöбны чöскыд пöжас, блин. Гажыслön медшöрыс - йöввывса чучела сотом - лö 15 час 30 минутын.



Воисны вермöмön

Ю.Спиридонов нима искусствояс гимназиясысь 14 велöдчысь ыджыд вермöмön локтисны челядьлön художествояс творчестволön став Россияса конкурс-олимпиадаысь. Сийö мунис Пензаын.

Ставнас гимназистъяс вайисны 15 медводдза степеня диплом, 13 - мöд да 5 - коймöд. Конкурсын сямлун петкöдлисны 8-10 классаяс да выпускникъяс. «Кодзулön» шуисны 11 класса велöдчысь Виталий Вяткинöс. Сылön «Битва святого Георгия со змеем» уджыс шедöдис жюрилысь ыджыд донъялöм. Нöшта кык гимназист - Юлия Погуляева да Владислав Якунин - лоины Президентской премия босьтысьясөн.

Конкурслön диплом мунö Пензаса архитектурно-стрöитчан институт йитöдын да сетö поэянлун пырны сидз шусяна «автоматön» вузö, а сидзжö Казаньса, Набережные Челныса институтъясö да УГТУ-ö.

«Коминформ» серти





Сочын эштис төвсә Олимпиада. Эжва районса томулов эз жö весьшөрö овны - нуöдисны ичöt Олимпиада ворсöмъяс. Эжваса 28 номера школа водзмöстчис хоккейын да лызьöн котралöмын. Поводдя понда ковмис вештыны дыр виччысына биатлон, кытчö пырöдчöны оз сöмын велöдчысыяс, но и велöдысыяс.

Миян асланым Олимпиада

Олимпиада мунан лунъясö 28 школаын вöли лыжиöн котралöмын эстафета. Первойöн сямнысö виддिसны медичötгъяс - медводдза да мöд классын велöдчысыяс. Унаöн медводдзаысь на оломас сувтисны лызь вылö, но та вылö видзöдтöг ставыс артмис. Водзö петкöдчисны гырысьджык классын велöдчысыяс. Налысь котöртöмсö видзöдисны зев унаöн, «висисны» на понда. Стадионын пукалысыяс ыззьöдисны спортсменгъяс, кодъяс зилисны вони финишö медводдзаöн.

Февраль 10-13 лунъясö вöли позянлун видзöдны серамбана хоккей. Командаяс пасьталисны шмонитана паскöм, чужöмас - серпасъяс, а шайба пыдди вöли футболысь ворсан мач. Ичötджык классаяс ёна жö гажöдчисны, а гырысьджык классалы ковмис кывкутöмөн петкöдчыны. Ордысьсöм чöж гораа клопайтисны видзöдысыяс.

Февраль 17 лунö ичöt да шөр классаöс нимкодъмöдс даддьöн исалан спорт. Сэтчö пырис некымын ордысьсöм - даддьöн да тубингöн. Челядь окотапырысь вöчисны индöмторгъяссö.

Став ордысьсöмыс кыпыда коли. Нимкодъ, мый том йöз оз öдортчыны спортысь да окотапырысь пырöдчöны вермасьöмö.

Миян корр.



КОМИ КЫВ МЕН ДОНА

Чужан кывлысь лун кыпыда пасйисны февраль 21 лунö «МИ» том войтырлön котырын водзмöстчысьяс.

Олимпиадалы чолём да чужан кыв дінö муслун

Гаж водзвылын найö юöртисны «Ме сёрнита комин» флешмоб йылысь «ВКонтакте» соцсетъын. Том йöз тшöтш вöзйисны коми войтырлы пуктыны снимок пыдди (аватар пыдди) «Ме сёрнита комиён!» серпас. Арталём серти, матö кыксё морт тайö лунö пуктыліс буретш татшöм серпассö.

А февраль 21 лунся пажын кадö юркарса уличьяс вылын (сюръя-рас вылын öшалысь радио пыр) юргисны коми сьыланкывъяс да нималана, быдöнлы тöдса коми йöзлön чолёмалöмъяс. Таысь öтдор, сьыланкывъяс да чолёмалöмъяс позис кывны тшöтш и 1, 15, 54 номеръяса ав-

тобусъясын.

Лун шöр кадö «МИ» котырын водзмöстчысьяс Степан изэрд вылын баллона краскарлым вылö гижисны «Ме сёрнита комиён!» сёрникузя. Та бöрын томуров лэдзисны енэжö шаръяса еджыд ошкös - тадзи найö ыстисны ыджыд чолём Сочиса Олимпиадалы. Ош вылö вöлі гижöма: «Кывъяс да вужвойтыръяс - Роч мулön озырлуныс».

Чужан кывлы сийм гаж помасис этнодискотека-ён, кодi муніс Ю.Спирidonов нима искусствояс гимназияса концерт заллön фойеын. Томуровкөд тшöтш гажöдчисны гимназияын велöдчысьяс да «Коми войтыр» öтмунöмын зильысьяс. Нуöдiс гажсö коми рэп лыддысь Всеволод Лодыгин. Финн-угор шылад костысын петкöдчисны тшöтш и енбиа коми томуров. Мича сьылан-

кывъяс козыналісны Яна Сажина, Евгения Удалова, Александр Канев, гимназияын велöдчысь Карина Игнатова да «Томлун» ансамбль. А гимназияысь жö 10 «г» класс велöдiс ставнысö йöктыны «Вольдiнса кадрилль». Öнiя йöктöмön гажöдiс «Адреналин дженкис» котыр.

Евгения ЛОБАНОВА.
Снимокъясыс авторлön.



**Тшупога
ПАС**

Февраль 21 лунö Корткерос районса Вомынын өлi «Вильсö тöдмавны, олöмсö кыпöдны» рыт. Сийöс сиисны Агния Андреевна Сухановалөн чужöмсяньыс 130 во тырöмлы. И эз прöста рытсö нуöдны буретш тайö лунö, öд февраль 21 лунö пасйöны чужан кывлысь войтыркостса лун.

Вильсö тöдмавны, олöмсö кыпöдны

Агния Суханова ассыс творчествоа да велöдана олöмсö зильöма сини чужан кывлы, сетны сылы виль юргöм, ышöдны верстьöс да посниöс радейтны коми кыв. Агния Суханова зилис ышöдны челядьöс лыддысьны, матыстис найöс литература дорö. Сийö уна вуджöдчис, ачыс гижис челядьлы пьесаяс.

Культура керкалөн фойеын котыртлисны А.Сухановалөн гижöдъяс серти челядьлөн творчествоа уджъясысь выставка. Гаж вилö воысь гöсьтьясöс няньöн-солөн да сьыланкывъясөн вочаалис «Пöлöзнича» котыр. Öти сиктын олысьяс абу вунöдмаöсь да пыдди пунктöны нималана землячкаöс. Рыт дырйи юргисны А.Панюковлөн да А.Мишариналөн кывбуръяс. Рыт вилö воысьяс видзöдисны А.Сухановалөн гижöдъяс серти спектакль. Вомын школаса велöдчысьяс дасьтисны «Меддонатор» петкöдчöм, а театральнöй котыр - «Кöдзыл пöль» спектакль. Ветеранъяслөн «Йöлöга шы» клуб петкöдлис видзöдысьлы «Ме немтор» инсценировка. Г.Успенскийлысь гижöдсö вуджöдлöма А.Суханова, а театральнöй сцена вилö дасьтöма Надежда Митюшова, кодi туялö Сухановалысь олöмсö да творчествосö. Кöть и пьесалөн артмöмсянь колинин 80-ысь унджык во, но öнöдз на сьлөн коланлуныс эз вош.

Рыт помын Лия Ивановна Каракчиева, А.А.Суханова нима Вомынса библиотека юкөнөн веськöдлысь, аттьöалис вомынсаöс, мый оз вунöдны енбия землячкаöс, культура керкаын уджалысьяс Ольга Анатольевна Каневаöс да Елена Владимировна Нестероваöс водзмöстчöмысь, а артистьясöс - рыт жежлö бура дасьтысьöмысь.

Валентина ШЕСТАКОВА



**Кытчö мунны
ВЕЛОДЧЫНЫ**

Февраль 14 лунö Кулöмдін районса йöзöс уджөн могмöдан шöрин нуöдiс «Ярмарка учебных мест-2014», медым отсавны ныв-зонлы школа помалöм бöрын бöрйины вылыс тшупöда велöдчанін да водзö кезлö удж.

Отсалам школа помалысьлы

Ярмаркасö нуöдiсны Кулöмдінса шöр школайн. Водз асывсянь нин сэтчö воисны районса став ылі сиктъясысь челядь. Ярмарка вылö воліс Кулöмдін районса 289 выпускник, 16 велöдчанін, весиг Кировса медицина академия. Ас йылысь юортан-разöдан материал ыстыліс сервис да связь Санкт-Петербургса университет. Кольöм вося школа помалысьяс корöмаöсь, медым татшöм аддзысьлöм вылас воласны оз сöмын республикаса велöдча-



нинъяс, но и мукöд регионса. Кулöмдін районысь воліс некымын организация - биысь видзчысян служба, военной комиссариат, видз-му овмöс юкөн, МВД.



Ярмаркасö нуöдiсны Кулöмдінса школалөн актöвöй залын. Восьтіс гажсö йöзöс уджөн могмöдан районса шöринысь директор М.Х.Савицкий. Ярмарка дырйи уджалісны психологъяс, öд челядь оз на стöча тöдны, кутшöм велöдчанін бöрйины, кутшöм удж лöсялас. Нель специалист дорö матыстчыліс 100 гөгөр морт. Быдöнлы сюри удж-велöдчанін бöрйöм кузя колана вöзйöм. Бур, мый и бать-мам волісны - абу веськодь быдтасъясылöн аския луныс.



Йöзöс уджөн могмöдан шöрин да велöдчанінгъяс выпускникгъясы дасьтісны буклетгъяс, кыгысь поэзö аддзыны став колана юöрсö.

Ныв-зонлы нуöдöм анкетированиеысь тыдалö: мый майшöдлö школа помалысьöс, тöдчöдöма ярмаркаысылысь коланлунсö. Ныв-зон пиысь медунаөн көсйöны велöдчыны КГПИ-ын да СГУ-ын. Но найöс майшöдлö велöдчанін помалöм бöрын удж аддзöм. Унаөн көсйöны лоны бурдöдысьөн, юристөн, велöдысьөн, психологөн. На пиысь 44 прöчентыс оз көсйыны локны бөр Кулöмдін районö.

Ярмарка вылö волысь велöдчанінгъяс тöдчöдiсны татшöм уджысылысь коланлунсö. Кулöмдін районса йöзöс уджөн могмöдан шöрин аттьöалö ставнысö, кодъяс волісны да отсалісны дасьтыны ярмаркасö.

*Кулöмдін районса
йöзöс уджөн могмöдан
шöринлөн юөр серти.*





АДДЗЫСЬЛӨМ

Олег Ивановичос ме төда 16 во да некыдз ог вермы велавны, мый сийö учёнöй, гижысь, поэт, драматург, öд сийö менам чож.

Сёрни артмис да вöли зэв интереснöйөн. Сёрнитлим сылөн «Сапöг пöв» висыт йылысь, кытчö, мян чайтöм серти, пуктöма ыджыд мöвп: олöмын колана туй бöрийöм. Авторыс шуис, мый сюжетсö да мöвпсö босытöма ас гögöрсä олöмысь.

Таысь кындзи ми видзöдiм видеофильм Олег Ивановичлөн олöм, уджалöм да уна лыда экспедицияс йылысь. А экспедицияс вöлöма вывтi уна. Торйөн ниин вöли интереснö тöдмавны йöгра кывъя войтыр дорö ветлöм йылысь, кытчö Олег Иванович ветлöма некымынысь.

Сэсся сийö сылыс ассыс сыланкывъяссö, ворсiс гитараөн. Ме бура төда тайö сыланкывъяссö,

Кор кывзан ыджыд мортöс, пыр ниин мыйкö аслыд босытан да сыкöд öттшöтш быттьö быдмансöвман. Тадзи лоуи и öни, кор ми аддзысьлим Олег Иванович Уляшевкöд. Меным уси шуд нуöдны тайö паныдасьлöмсö, юасьны сылысь унатор, мый кöсйис тöдны и менам класс, а тайö дас сизим морт, да нöшта коми кыв да литература велöдысь Рауса Ивановна Вагнер, воспитательным - Людмила Анатольевна Кривушева, психолог Ирина Николаевна Томова.

КОЛÖНЫ ТОМ ЙÖЗЛЫ

гортын тшöкыда став котырөн сывлаам, чожекöд öтув.

Олег Иванович пыр аскöдыс новлöдлö варган - вомөн ворсан: тайö яранъяслөн шылада ворсантор. Ми корим, мед сийö ворсыштас. Эз кут пыксыны - ворсiс. Шыясыс аслыспöлöсöсь, сьöлöмтö вöрзöданаöсь, тшöктöны мöвпавны олöм йылысь.

А сэсся бара сьылiм. Миян классын велöдчысь Ваня ворсö и гудöкөн, и гитараөн: сьылiм öтув, и Олег Иванович бара на сьылiс ассыс сыланкывъяссö.

Ме чайта, мый Олег Ивановичкöд паныдасьлöмыс лоас и водзö, да ми унатор на тöдмалам сылөн творчество да удж йылысь, кывзам сылысь ворсöм-сьылöмсö, варовитам-баитам олöм-вылöм йылысь. И, дерт жö, татшöм аддзысьлöмъясыс ёна колöны öниä томуровлы: öд найö туйдöны-велöдöны кужны донъявны ас гögöртö да олöмсö.

*Полина ИГНАТОВА,
Ю.Спиригонов нима
искусствояс гимназияын
10 класса велöдчысь.*

КОНКУРС

«Россияса Пошталөн» регионса юкөн юөртö «Лучший урок письма» став Россияса конкурс йылысь.

ВИЧЧЫСЬÖНЫ ПИСЬМÖ

Конкурс дасьтысьяс: «Россияса Пошта», Россияса связын уджалысьяслөн профсоюз,

М.В.Ломоносов нима Москвасаканму университет да «Учительская газета». «Россияса Пошта-

лөн» регионса юкөн нуöдö уджсö республикаса велöдчан министерство да С.Маршак нима челядьлы библиотека отсöгөн. Конкурс вылö ассысь нимпасъяс вöзйисны тшöтш челядьлы «Радуга» да коми томуровлы «Йöлöга» газетъяс.

Уджъяссö кутасны виччысьны 15 нимпас серти тавося июнь 30-öd лунöдз.

«Йöлöга» газет вöзйис «Йöлöгакöд кö тэ олан - дзоньвидзаөн пыр и лоан» номинация, кодi йитчöма томуровлөн дзоньвидза оласногкöд. Позьö гижны письмöсö оз торъя мортлы, а газетлы.

Паськыдджыка тайö конкурс да мукöд нимпас йылысь позьö тöдмавны www.komiufps.ru сайттысь.

Письмö-уджъяс виччысьöны кык экземплярөн татшöм адрес серти: 167981, Сыктывкар, Ленин улица, 60-öd керка, «Россияса Пошта» УФПС, пасйыны - «Лучший урок письма» конкурс вылö.



**Сиктысь – каро
ЮОР ВАЯМ**

Видза олан, дон «Йолга»! Бара на ми - Корткерос районуь Керосса том войтыр. Юксыштам тиянкөд, кутшом гажаа коллятам прөст каднымос культура керкаын.

Тажтөмтчыны некор

Урокъяс бөрүн котөртөны посни войтыр клубо репетиция выло - сывны да йоктыны. Рыгыянас ми - «Томлун» котыр - чукөртчылам йоктыны. Тшөкыда овлоны ворсан рыгыяс. Кор дон босыттог овлывлө татшомсяма рытыс, сэки унаон чукөрмылам да зэв гажаа кадыс кольо.

Зэв ыджыд атгыо висыталам тиянлы газетсыны, «Йолга» лыддьомсорон пасйим Чужан кывлы сиом лун. Коми кыв велодысь Юлия Николаевна Шелепанова нуодис викторина, сеталис нөдкывъяс, а сы бөрүн ставон ворсим.

Удитим тшөтш и серпасасыны, и дөра мачон ворсны. Бедьон кыскасим, посни и гырысь. Отяяс турипув паньон котрөдлісны стөканө, мөдъяс тай удитөмаос тшөтш вомас «котрөдлыны», медбөрьясыслон сомын стөкан пыдөсас и лоис. Ми и спортто радейтам. Сочиад Олимпиада восьтан луннас клубо чукөртчылим унаон. Шашкион ворсим. Клубад лыжинад да конькинад он котрав, но шашкинад да бильярднад быд рыт позьо ворсны воыны. Быд ворсомө пырөдчөны «Визув ёль» котыро пырысь нывъяс Ульяна да Света Ветошкинаяс, Кристина Казаринова. Ни оти ворсан рыт оз кольлы Люба да Рустам Костылевъяс чоявокатог. Накөд тшөтш воывлөны Юра Фролов, Никита да Гена Лобановъяс, Наташа Королёва.

Февраль 23-өд лунө вермасим 2 команда: «Звезда», кытчө пыри ме - Вася Забоев, Андрей Ветошкин, Рустам Костылев, да «Десант», сэн воыны Максим Казаринов, Гена Лоба-

нов, Юра Фролов. А веськөддысьыс - «главнокомандующойыс» - миян век оти: Наталья Семёнова Ветошкина. «Вөвъяс» вылын рөдтим, вермасим, «танкысь» лыйсим, вын-эбоснымос песим. А вот палаткато зэвтөмыд миянлы мыйлакө эз сетчы. Вермысьон петис «Звезда» команда. Вичмисны миянлы атгыоалана гижөд да медальяс. Айму дорйысьяслысь лунсө кыпыда пасйим.

Атгыо тиянлы газет дасытөмысь! Чолөмалам локтысь тувсовъя гажон! Сиам уджын бур вермөмъяс, ставныды лоны шудаон.

Корткерос районуь Керосса том войтыр нимсянь Василий ЗАБОЕВ.



Кыпыда пасйим таво Айму дорйысьяслысь лун Шойнатыса челядьлы содтөд төдөмлун сетан шөринын. Луныс веськаліс зэв көдзыд. Но та выло видзөдтөг, чукөрмис вель уна челядь.

Чолөмалім зоньясөс

Медводз музейон веськөддысь Галина Ивановна Панюкова висыталіс Шойнаты сиктса зонкаяс йылысь, кодъяс өні служитөны армияын, петкөдліс на йылысь презентация.

Сэсса ми петім ывлаө. Тані воыны ордысьбөмъяс. Д. А Микушева нуодис «Меткий стрелок» ворсом. А Ольга Ивановна Мишарина нуодис даддьон ворсом. Ольга Николаевна Каракчиева нуодис командаясон ордысьбөм, вын песом.

Котрәлігад көдзыдсө эг и төдлөй. А керкаө пырим да пуктим пузьөдны тшай. Сэжкості Ольга Николаевна сыліс частушкаяс. Быд зонка ним выло частушкаыд вичмис. Сэсса бара юксим 2 команда выло, та пөрийө зонкаяс да нывкаяс выло. Нывъяс Марина Александровна Петровакөд мунісны ки-

пом удж вөчны - велөдчисны вөчны сюрпиза козин (тюльпан дзоридз, а сы пытшкын кампет). А зонкаяс Сергей Геннадьевич Поповкөд велөдісны «У солдата выходной» сыланкыв. Содтөд төдөмлун сетысь педагогыскөд велөдчисны и сывны, и маршируйтны. Кор ставсө веләлісны, залын нывъяслы петкөдлісны ассыныс кужөмлунсө. А ныв-каяс налы козыналісны ас кион вөчөмторъяснысө.

Медбөрын артельон юим тшай. Отяяс чөсмәсисны, мөдъяс Вера Вацловасовна Агеевакөд йөктисны залын. Со кутшом гажаа коли Айму дорйысьлы сиом лун. Ставлы воис сьөлөм вылас тайо гажыс.

**Вика РОЧЕВА,
Корткерос районса Шойнаты сикт.**



Прөста ог олоЙ!

Февраль 21 лунö быдлаын пасйисны Чужан кыв-лысь лун. Корткерос районуыс Висер клуб дась-тыс тайö лун кежлö, лосьöдiс коми кыв вылын концерт. Медводз петкöдчис «Шондiбан» аканьясöн ворсан котыр. Дискъясысь дасьтöм аканьясöн пет-кöдлiсны виль нога пуктöм «Кöвдум» мойд. «Кику-рулю» фольклор котыр сьылiс «Руй-руй». А сэсся петкöдчис «Дзирд» театральной котыр «Ичöt вöра-лысьяс да мудер көчьяс» мойдöн. Ок, и мастера жö ворсiсны нельöд класса челядь! Тайö: Лиза Игушева, Ида Мишарина, Павел Габов да Архип Яковлев. Тявко понйöс ворсiс клубöн веськöдлысь Ия Михайловна Попова. Детинкаяс быд ногыс көйисны кыйны көчьясö. Но Тявко пон пыр öлöдiс нель кока ёртъяссö. Молодечьяс, челядь, дзик ар-тистыяс маз петкöдчöны. Карса драмтеатрысь ар-тистыяс абу омöльджыкöсь! Посни и гырысь войтыр ёна и кекöначасисны да «бравоасисны».

Котралiм Ёма-баба гöликöн

А Айму дорйысьяслөн лунö Висерса клуб да ныв-бабаяслөн котыр чукöртлiс войтырöс ордысьбöм вылö.

Ёна төла поводдя вылö видзöдтöг ордысис кык команда: «Скорпионъяс» да «Девчата». Чолöмалi-ны öта-мöднысö сьыланкывйöн, петкöдлiсны сям-лун стрöитчöмын да котыръяс дасьтöмын. Орды-сисны дадбöн, лыжиöн, Ёма-баба гöликöн, котрö-лiсны лыммач. А сэсся пöсь тшай да чöскыд пöжасöн чöсмöдлiс-гажöдiс ветеранъяслөн котыр.

А школаын ичöt класса велöдчысьяс серпаса-сисны, гырысьджыкъяс маршируйтöм улын сьы-лiсны да лэдзисны стенгазетьяс.

Оксана ПИНЯГИНА





ВОДЗМӨСТЧӨМ

Чужан кывлы сиём лун пасйисны тшөтш и Эжевын, сэни мунис «В попутчиках - Куратов» акция. Сийös нуöдисны Эжеваса шөр библиотекаын уджалысьяс да том водзмөстчысьяс 27 да 14 номеръяса автобусъясын. Сиисны акциясö тшөтш Иван Куратовлөн чужомсяньыс 175 вося тшупöда паслы.

Тöдмалісны Иван Куратов да коми кыв йылысь

Автобусын мунысьяс пырöдчисны викторина-конкурсъясö да вочавидзисны И.Куратовлөн творчествовылы сиём юалöмгъяс вылö. Стöч вочакывгъяс сетысьяслы вичмисны юмовторгъяс.

Отсасисны библиотекаын уджалысьлы «СМЭЖ» пресс-центрысь том журналистъяс: Виктория Шилина, Наталья Капустина да Олеся Кузванова.

Кор ми нывгъяскöд сöлим автобусö - кондукторыс ёна чуймаліс, но сэсся ошкис бур мөвпысь. Автобус пытшкөссö мичмöдİM шаргъясөн, а öшинь вылас öшöдİM И.Куратов йылысь юөр. Библиотекаын уджалысьяс висгътавлісны ветлысь-мунысьлы медводдза коми гижысьлөн олан туй да творчество йылысь. Автобусын пукалысьяс тöдмалісны уна выльтор да атгъöалісны миянös. Быдöнлы на пöвстысь вичмис кампет да закладка.

Ми Викакöд лыддим Иван Куратовлысь кывбургъяс. Ставныс нимкодясисны, мый томуров оз вунöдны коми гижысьсö. И миянлы вöлі нимкодъ сысь, мый уси шуд нимöдны Иван Куратовсö. Збылысь, ми вöчим тайös став сёлöмсянь. Öд Коми Республикаын кык канму кыв: коми да роч. Роч кывнад унджыкыс сёрнитöны, но оз ков тшöтш и вунöдны, мый коми кыв - вужвойтырлөн кыв. Сийös колö видзны да нимöдны, öд сийö сэтшöм мича!

Акция помасьöм бöрын библиотекаын уджалысьяс атгъöалісны миянös отсасöммысь да козыналісны блокнот-ручка да шоколад кампет.

Ми тшöтш атгъöалам акция котыртысьяссö миянös корлöмысь, Иван Куратов да коми кыв йылысь уна выльтор тöдмалöмысь.

Олеся КУЗВАНОВА,
«СМЭЖ» пресс-центрысь
корреспондент.



Айму

Кыдзи службаыд мунö? Кутшöм дзоньвидзалуныд? Видз асьтö! Гортö лок дзоньвидзаён! Тайö кывъяссö медся тшöкыда гижöны салдатлы письмöын.

Кыдзи мунö службаыд, салдат?

Буретш тайö жö кывъясыс медъяна паныдасьлісны и Эжвасын олысь томуровсянь да верстыöсянь салдатлы гижöм письмöясын. Февральын Эжва районса женсöвет да 15 номера библиотека-филиал нуöдісны «Кыдзи мунö службаыд?» акция. Библиотекаö вайисны 42 письмö! Да öд

быдсикассö: серпасъяса, кывбуръяса, мичмöдöм конвертын, треугольничкö кусыньтöмын... Но медшöр кывъясыс - Айму доръясыслөн лунён чолöмалöм, дзоньвидзалун сиём, служба колана ногөн мунöм да служитöмысь аттьöалöм - вöліны быд письмöын.

Аттьöалам ставнысö, коді пырöдчис акцияö. Тайö 26 номера детсадысь бать-мама да дзюлюкъяс, медводдза номера гимназиясы 1 «б» да 3 «б» классъясыс велöдчысыс (велöдысыс Лилия Ивановна Осипова), 27 номера школаысь 3 «а», 5 «в» да 5 «з», 8 «а» классъясыс ныв-зон (велöдысыс Наталья Леонидовна Крылова), 34 номера школаысь 8 «а» классысь томуров (велöдысыс Оксана Владимировна Лобанова), 37 номера школаысь 2 «б» да 4 «б» классъясын велöдчысыс, «СЛТ» ГПОУ-ысь студенткасыс да «Алый парус» челядьлы библиотекаысь лыддысысыс.

Февраль 23 лунö став письмöсö мöдöдісны Сыктывкарса военной часьтын служитысь салдатъяслы.

Ирина Эрнестовна САЛЫКИНА,

Эжваса 15 номера библиотекаын веськöдлысь.

Эжваса районын олö уна енбия морт. Найöс тшöкыда аддзылан районса сцена вылысь быдсикас концерт дырйи. Но оз быдён тöд школаöдза учреждениясысь челядьлөн творчество йылысь.

Эзысь кодзувъяс

На лыдын тшöтш эмöсь ичöt кодзувъяс, кодъяс сöмын на заводитöны дзирдавны. И со февраль 25 лунö Эжваса коми культура шöринын налы котыртлісны «Эзысь кодзувъяс-2014» конкурс.

Гажыслөн мог - карын олігөн коми кыв видзöм-сöвмöдöм. Творчества енбиялун, коми йöзлысь традиция, обряд, культура да кыв тöдöмлун петкöдлісны Эжваса детсадысысь куйм пара. Ставён петкöдчисны национальной паскөмөн. «Этно-игра» конкурсын 83 да 113 номеръяса детсадысысь быдтасъяс петкöдлісны национальной ворсöм, 68 номера детсадсяс - пывсян обряд. Гаж дырйи и видзöдысь, и конкурсантъяс ворсісны национальной ворсöмысь, йöктісны карнанён да чукöртісны шыпасъясысь коми

кывъяс. «Этно-визиткаын» коліс петкöдліны коми кыв тöдöмлун. Быд петкöдчöм шензбöдіс мичлуннас.



«Эзысь кодзувъяс-2014» конкурсын вермисны Ольга Лебедева да Лев Киршин. «Енбия дзюлюкъяс» нимпасын торъялісны Дмитрий Ванеев да Юлия Киселёва, «Шöвк турьясын» - Артём Куратов да Карина Алексеева.

Анастасия НЕНИНА



ГАЗ

Айму дорйысыяслон лун кеплө юркарын котыртысыявліс «Бать да ми - спортивнойось да вынаось» карса конкурс. Ититисны сійос и тавося Олимпиадакөд, коді муніс Сочиын. Пырөдчыны конкурсө юркарса быд өти детсадысь вермис сөмын өти семья. Тайө бать, мам да налөн квайт либө сизим арөса пи. Татшөм командаыс өкмис быдса 23. Быдөнлы вичмис аслас номер.

И бать, и мам, и ме...

Гажыс муніс Орбитаса дзонь-видзалун бурмөдан да спортивной шөринлөн ыджыд залын. Видзөдысыя да командаяс вөсна «висьысыя» чукөрмывліс вель уна. Кыдзи и быд карса конкурс, ордйысьбм восьтісны юркарса администрацияын зільысыя. Найө жө чолөмалісны мужичөйясөс Айму дорйысыяслон лунөн да сиисны

ставныслы лоны вермысыяс лыдын. Дерт, татшөмторйыд оз овлы... На бөрын ордйысыясыясөс чолөмалісны асланыс йөктөм-чеччалөмөн ичөтик ныв-зон.

Медводз командаяслы коліс петкөдчыны сідз шусяна «визиткаын»: висьтавны ним, сыкөд йитчөм девиз да нөшта мыйкө сэтшөмтор, медем жюри бы-

тысь торйөдіс став команда пөвтсыяс сөмын тиянөс. Кодъяс сөмын тані эз вөвны: «Куим багатыр», «Танкистыяс», «Военной пусысыяс», «Разведчикыяс», «Афганечыяс», «Карибскөй саридзса пиратыяс» да уна мукөд.

Сы бөрын вөлі эстафета. Танінин котыряс петкөдлісны асыяныс сюсылуннысө бура кот-



раломын, кёрлингс, футболс да мукöд спорт сикас гөгөрвоомворсомын, а тшöтш и ордысисны, кодi медöдйö став корöмсö вöчас.

Сэсся конкурсö пырöдчысыясöс неуна шойчöдыштисны. Сэккостi гаж нуöдысыяс котырталисны ордысысьом «висьысыяс» пöвстын. А командаясыс батыяслы ковмис пасытасыны кутшöмкö военной пасыкöмö да сэсся кужны дорйыны сийöс. Танинин лоис гөгөрвотöмтор. Ог тöд, кыдзи мөвпалöмаöсь конкурс котыртысыяс, но видзöдысыяс водзö сувтисны некымын пусысы, некымын военной формаа морт... Эз ёна мичаа видзöдсыны öткөдысыаа военнойсыд. Сэсся öтияс висьытасыны-петкöдчисны минутон, а кодсюрöлön нюжалис 5-10 минутöдз. Көть эськö, программа серти колис буретш öти минутон и петкöдчыны. Дерт, шуам, олöмад быдторйыс овлö, но век жö - тайö конкурс. И окота вöли, медым быдöн вылö журиыд öти синмөн видзöдiс. Дерт, торъялисны найö, кодъяс петисны быдса художественной номеръясөн.

Медбөръя ордысысьомын колис би (факел) кыдз поэбö öдйöджык вайöдны урчитöминöдз. Тайö конкурс петкöдiс, кутшöм командаяс вермөнны медсюся котравны. Та вылын ордысысьомыс командаяслön эштiс. Быдöн виччысис кутшöмкö кывкөртöд донъялысысыянь.

Жюрилы кыв сетöм бöрын ордысысысыяс эз и кывны, кымын син öктисны конкурсъясын. Донъялысысыс сöмын торйöдисны медводдза куим места шедöдысысöс да медбур батыс. Налы сеталисны пылесос-телевизор да нöшта козинъяс. Кыдзи вермысысысöс збыльвылас бöрйисны, некод оз тöд. Но атгöалана кыв вичмис быд семьялы. Батысöс чолöмалисны öткыткаөн. А пьянлы сетисны ичöтик козинъяс.

Татшöмсыаа юркаса конкурсö ми семьякöд пырöдчим медводдзаясы на, и чайта, медбөръяысы. Эз кажитчы вермысысысöс бöрйöмыс да. Уна гөгөрвотöмтор на коли. Гажыслön нимыс бур, öд öтувтö сийö торъя семья, сетö позянлун ордысысыштны ас коддьöмыскöд да видлыны ассынысыс вынгъяснысö.

*Кристина СЕРГЕЕВА
Снимокъяс авторлön.*

КОЛАНА УДЖ «Неделя мужества» профилактикаа уджкöд йитöдын Россияса ГИБДД-лön Сыктывкарса юкөнн уджалысыяс нуöдiсны тыр арлыдтöмаяскöд, баты-мамтöг быдымысыс челядькöд, том инспектор öтрядъяскöд нравственно-профилактикаа удж.

Велöдiсны, тöдмасисны, гажöдчисны


Сыктывкарса 12 номера школысы «Перерёсток» öтряд юркаса улич вылын нуöдiс рейд, висьталис локтысы-мунысыяслы туй вылын овлысы неминучаяс йылысы. Вöли дасытöма ПДД правилöяс кузя юалöмъяс. Кодi бура вочавидзис, сетисны машина би улын югыялысы фликер. Акцияö пырöдчысыяслы лои нимкодъ вöчöм уджысы, да и карса войтыр тöдчöдiсны татшöм уджысысыс коланулсö.

Кулöмдинса школалön «ДПС» öтрядса том инспекторъяс волисны юркаса госавтоинспекцияö. Пропаганда инспектор нуöдiс юркаса ГИБДД-лön музейын экскурсия, висьталис ГАИ-лön медводдза веськöдлысыяс йылысы. Челядь тöдмалисны, кыдзи вежисны ДПС-ын уджалысылön пасыкöмыс, уджалан эмбурсы. Зонъяс окотитисны пыдiсяньджык тöдмасыны «Героические поступ-

ки» стөндön. Сэни эм герой йылысы юөр, кодi аслас олöм вылö видзöдтöг дорйис ёртъяссö, öтсалис налы тышын. Тöрыт, талун, аски - пыр тайö мортыс уналы вöли и лоö геройон, а öни сийö - Россияса ГИБДД-лön Сыктывкарса юкөнн веськöдлысысöс вежысы, полицияса подполковник Сергей Анатольевич Славашевич. Челядьлы мойвиис тшöтш воыны экзамен сдйтан классö да техосмотр станцияö.

«Неделя мужества» помын госавтоинспекцияын уджалысыяс волисны Сыктывкарса 3 номера детдомö. Сэни челядь ворсисны мойдыввса геройскöд, видзöдiсны мультфильм, безопасность ремөнь йылысы кино, пырöдчисны ПДД-кöд йитчöм викторинаö. А медбöрын козин пыдди быдöнлы сетисны ичöтик козин.

*Юркаса ГИБДД-лön юөр
серти*





Аделина Сотникова - Россияса фигуристка, кодї петкөдчө нывебаяслөн өтка исласьомын. Нөшта сійө Россияса историяын медводдза Олимпийской чемпионка.

Сочиса принцесса

Чужан кад: 1996 вося июль 1 лун
Зодиак пас: Рак
Чужанін: Москва
Радейтана уаж: фигуристка
Сьокта: 52 килограмм
Кузьта: 163 сантиметр

Сочиса Олимпиада дырйи сійө сяммис босьтны зарни да лоны медводдзаон мирса медбур фигуристкаяс пөвстын. Таодз сійө унаысь босьтлөма приза местаяс Европаса, мирса, Россияса чемпионатъясын. Аделина - Россияса спортын заслуженной мастер.

Аделина Сотниковалөн ён характерыс тыдовтчөма ичөтсыныс нин. Чужлөма сизим толысыяон, но сэк нин петкөдлөма оломө кутчысян крепыд кабырсө.

Медводдзаысь конькиён заводитөма иславны Москваса «Южный» исласянінын, сьлөн керка дорын неылын. ЦСКА-лөн школаө веськалөма сизим арөсын. Аделина быдмөма шаньон, некор абу вензьөма тренеркод да вөчөма сылысь став корөмсө. Гашкө, та понда одйө велалөма вөчны фигурной исласьомын «верстьө» чеччалөмъяс.

2007-2008 восясө юниоръяс пөвстын Россияса первенствоын лоөма дасөдөн, но кольөма сөмын во, кьдзи лоөма медводдзаон. 2011-2012 восясө спортсменка бура жө петкөдчөма «Золотой конёк» войтыркостса турнирын, ордысьөма верстьөджыкьяскөд да сяммөма босьтны зарни. 2012 воын пырөдчөма юношеской Олимпиадаө, босьтөма эзысь.

Школаын Аделиналөн «4» да «5» кындзи некутшөм оценка абу. Сьлөн мөвпьясын велөдчыны тренерө, медым спортысь некор не торъявны.

Сочиса Олимпиада кежлө Аделина дасьтысьөма лун и вой, кадыс лэбөма. Колө нөшта пасйыны, мый Олимпиадаөдз, 2013 вося декабрын, Японияын мунөма Гран-при финал, кьтчө Аделина тшөтш веськавлөма да зэв бура петкөдчөма.

Аделиналөн став олөмыс - конькиён исласьом, олө стрөг график серти. Сылы сөмын на 17 арөс, но мөвпалө верстьө моз. Сьлөн став ёртыс - спортсмен, тадз кокниджык воны өти кывйө. Зэв ёна радейтө мам-батсьө да чойсө.




ТӨД ВYЛӨ

Нывъяс ёна радейтёны фотографируйтчыны, петкөдлыны мичлунсө. Фотомодельяс төдөны некымын индөд, кыдзи бурджыка петкөдчыны кадрын. Та серти эм некымын вөзйөм, мый колө да оз позь вөчны снимайтчигөн.


А кыдзи бурджык?

- Нывъяслы оз вөзйыны кутны юрсө веськыда да мыджсыны кыкнан кок вылас, дерт, фотографыс ачыс кө оз кор. Мужичөйлөн кө мыгөрыс артмө веськыд визь-пельёсысь, а нывбаба мыгөрын ставыс «гартчө-нюкыльтчө». Тушалысь став кузгытасө да кыкнан кок вылын сулалөмөн позьө снимайтны челядьёс, олома мортёс, спортсменёс, военнойёс, политикёс.



- Фотографируйтчигөн нывлы бурджык мыджсыны өти кок вылө, а мөдарсө неуна нюкыльтны.

- Оз дзёбсысь снимок вылад весиг кок пыдөсыд. Оз ло мича, сувтөдан кө найёс өта-мөд сертиыс веськыда (параллельноя), а тушаыд быттьө өти веськыд визь. Бурджык пуктыны найёс өта-мөд сертиыс 30-60 градусөн.




- Снимайтчан ко пукаломон, то пидзосыд мед эз артмөд сідз шусяна «прямой угол». Тайёс позьө вөчны кадрын торъя мөвп петкөддигөн.

- Фотографируйтчигөн бурджык юртө неуна бокө кусынтьны. Торйөн нин, көсьян кө петкөдлыны кутшөмкө сьөлөмкылөм.

- Эн кусынт юртө фотографлы паныд; голя вылад лоёны мисьтөм чукуръяс.

- Видзөд кияс бөрсяыд, мед оз прөста ошавны, абу кө, дерт, сьёмкаыслөн торъя мөвп.



Көть кутшөм мичаа он пасьтась, көть кутшөм мича вөр-ва оз кытшав тэнө, оз нинөм отсав, а мөдарө - тшыкөдас кагрсө, ошало кө тэнад кыыд. Бура мөвпшыт, мый «кутас вөчны» кыыд снимайтчигөн.

«Коми йөзөдчан керка»
Коми Республикаса
автономной учреждение.
Веськөдлысь
Н.Н.БЫКОВСКАЯ
Гл.редактор
Г.В.МАКАРОВА



Газет панысь:
Печать да юөр сетан Коми
Республикаса агентство.
Регистрируйтөма
2007 вося ноябрь 28 лунө
йөзлы юөр сетөм да
культураса озырлун видзөм
кузя оланпасьяс
збыльмөдөм бөрся
видзөдысь федеральной
службалөн Беломорской
управлениеын.
Регистрируйтан пас:
ПИ №ФС 3-0686.
Социальной төдчанлуна
гижөдьяссь йөзөдөма «Коми
йөзөдчан керка» автономной
учреждениелы печать да юөр
сетан КР-са агентствөон
вичмөдөм сьөм вылө.



Редакциялөн адрес:
167982, Сыктывкар,
К.Маркс улица,
229-өд керка,
401-402 кабинетъяс.
Тел. 24-12-22, 24-36-49.
E-mail: Yoloha@mail.ru



**Редакцияын
уджалысьяс:**
том йөзлөн мытшөдьяс
юкөнөн веськөдлысь –
Надежда Пунегова;
письмө юкөнөн
веськөдлысь –
Екатерина Микушева.



Медводдза лист бокас
снимокыс
Надежда
Пунеговалөн.



Авторъяслөн мөвпьяс оз
пыр лөсявны редакциялөн
видзөдласкөд.



Тираж – 551.
Гижөдчан индекс – 52099.
«Йөлөгга» газет петө
1991-өд восянь
вежоннас өтчид, комиён.



Печатьө кырымалан кад:
график серти – февраль
төлысьлөн 26-өд лунө
16 часын; кырымалөма
печатьө 16 часын.
Газет печатайтөма
«Коми республиканской
типография» ООО-ын дась
оригинал-макетьясысь.
167610, Сыктывкар,
В.Савин улица, 81
Заказ №



«ВКонтакте» соцсетьысь перым-коми войтырлөн «Тупи-тап» котыр бара на гажодö «Йёлöга» лыддысьысьöс аслас серамбана сернас-снимокъясьн. Коми томуров, ыстой и ти асьыныд шмонитана сернас-гижодъястö. Виччысям!

